

# Schnitzelbank Sabrenas 2023

[www.sabrenas.ch](http://www.sabrenas.ch)



## Eidgenössischs Schwing- und Älplerfescht

s'ESAF isch e supertolli Sach,  
im Saagmehl lait dört der Bescht jede flach.  
Mir möge der Erfolg allne herzlich gönne  
und wundere eus dass Prättler so öppis mache chönne.



## Wohnsituatione

Der Raffi lebt nüm bi de Eltere dehei.  
Er het jetzt e Wohnig, für sich ganz älle.  
Warum ein für nüt Miete zahlt isch allerdings ungewohnt,  
wenn er jo in Wirklichkeit am Rhy im Schirmzelt wohnt.



## Domus

Zum Dokter het i selle; er isch de wo mi ufpäpelet;  
und bi us luter Gwohnet ins Liebrützentrum däpelet.  
Schneller als e Junge bin ich wieder verweist  
will me dört der alti Grümpel eifach in d'Mulde schmeisst.




## Geldsege

Hoffentlich verschwinde bald die allerletschte Schranke,  
e EU-Bitritt wär doch cool, vor allem für eusi Banke.  
Me chönnti Beziehige viel, viel besser pflege  
und us Bruxelles Geld in Koffer heiträge.




## AHV

d'AHV isch e heikels Thema,  
Bürgerlich und Linki riebe sich scho lang dra.  
D'Renteberechnige trifftte wit usenander,  
s'Bescht wär e Mathestund für die alli mitenander.



## Ufersanierig

Zum Ufer saniere muesch di guet uskenne,  
der Gmeindrot plant und luegt, cha vor Sorge gar nüm penne.  
Denn uf dem Bänkli neb der Fähri cha kein e Schlöfli wooge,  
sunscht wird er am End bim Chraftwerk unde us em Wasser zooge.



## Grümpeli

Endlich hets wieder e Grümpeli geh,  
mit gueter Stimmig, lustig, kei gröbers Foul hesch gseh.  
Damit eineweg e rechte Unfall passiert  
het der Kimon der Glacéwage uf sim Fuess parkiert.



*Chinderfasnacht, Fasnachtsfüür, Chehrusball  
und Guggejubiläum nit verpasse!*